

8. gr.

Við endanlega ákvörðun verðmiðlunar til hvers mjólkurbús fyrir sig, skal draga frá reiknaðri þörf verðmiðlunar 60% meðalhagnaðar af rekstri þess er varð árin 1990 og 1991 og hann framreiknaður m.v. lánskjaravísitölu í lok hvers árs.

9. gr.

Nú verður reiknuð verðmiðlunarþörf meiri en heimilt er að ráðstafa til verðmiðlunar skv. 2. gr., og skal þá skerða rétt allra búa til verðmiðlunar í sama hlutfalli af reiknaðri verðmiðlunarþörf.

10. gr.

Greiðslum úr verðmiðlunarsjóði vegna rekstrarársins 1992, skal lokið eigi síðar en 31. ágúst 1993.

11. gr.

Ársreikning mjólkurbús ásamt fylgigögnum fyrir árið 1992 skal skila til Framleiðsluráðs landbúnaðarins eigi síðar en 30. mars 1993. Ef reikningsskil mjólkurbús berst síðar, er ekki tryggt að viðkomandi aðili komi til álita við frekari úthlutun úr verðmiðlunarsjóði fyrir árið 1992.

12. gr.

Reglugerð þessi er sett samkvæmt heimild í 27. gr. laga nr. 46 27. júní 1985 um framleiðslu, verðlagningu og sölu á búvörum og öðlast gildi þegar í stað.

Landbúnaðarráðuneytið, 4. nóvember 1992.

Halldór Blöndal.

Jón Höskuldsson.

AUGLÝSING

um umferð í Vestmannaeyjabæ.

Samkvæmt heimild í 81. gr. umferðarlaga nr. 50/1987 og að fenginni tillögu bæjarstjórnar Vestmannaeyja hefur verið ákveðið:

1. að einstefna verði á Vestmannabraut frá Skólavegi að Kirkjuvegi.
2. að einstefna verði á Boðaslóð frá Kirkjuvegi að Bessastíg.
3. að einstefna verði á Hásteinsvegi frá Heiðarvegi að Skólavegi.
4. að Foldahraun verði lokað að vestanverðu.

Sýslumaðurinn í Vestmannaeyjum, 5. nóvember 1992.

Georg Kr. Lárusson.